

Na osnovu članova 35. i 69. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 20/13), Načelnik Općine Stari Grad Sarajevo raspisuje:

JAVNI POZIV
mladim nezaposlenim osobama s mjestom prebivališta u Općini Stari Grad za prijavu projekata na konkurs „Zajedno za Općinu“

Općina Stari Grad poziva mlade nezaposlene osobe da, ukoliko imaju ideju koja može da promijeni i unaprijedi lokalnu zajednicu, prijave svoj projekat na konkurs “Zajedno za Općinu”. Podsticanjem i podrškom vašeg projektnog prijedloga, pružamo vam priliku da doprinesete razvoju svoje lokalne zajednice, te steknete mogućnost za pripravnčki rad.

Predmet konkursa

U skladu sa Strategijom lokalnog razvoja Općine Stari Grad i prepoznavanja potrebe aktivnog uključenja mladih u razvoj lokalne zajednice, Općina Stari Grad pruža podršku realizaciji projekta iz sljedećih oblasti:

- Turizam i kultura: razvoj i obogaćivanje turističkih i kulturnih sadržaja u Općini Stari Grad;
- Zaštita životne sredine: aktivnosti koje rješavaju konkretne probleme u lokalnoj zajednici, te edukacija i podizanje svijesti o zaštiti životne sredine;
- Socijalna zaštita: podrška projektima usmjerenim ka pomoći socijalno ugroženim grupama, te razvoju socijalnih usluga u zajednici.

Opšti uslovi konkursa

- Pravo učešća u konkursnoj proceduri imaju mladi starosne dobi od 23 do 30 godina sa minimalno završenom srednjom stručnom spremom i sa mjestom prebivališta u Općini Stari Grad Sarajevo, a koji su na evidenciji biroa Službe za zapošljavanje, te koji nemaju radnog iskustva.
- Podnosilac projekta mora biti i njegov implementator.
- Kandidati čiji projekti budu izabrani za realizaciju imati će priliku volontirati u Općini Stari Grad Sarajevo i raditi na aktivnostima realizacije projekta u trajanju od šest mjeseci do jedne godine, te steći Potvrdu o volonterskom stažu.
- Svaki pojedinac može prijaviti samo jedan projekat u okviru svake od navedene oblasti.
- Neformalne grupe, udruženja, preduzeća, profitne organizacije nemaju pravo prijave na konkurs.
- Općina Stari Grad će primiti ukupno tri volontera, odnosno po jednog volontera iz svake predložene oblasti.

Kriterij za odabir projektnog prijedloga

- Projektne aktivnosti mora realizovati sam aplikant odnosno podnosilac projekta uz podršku nadležnih službi Općine Stari Grad Sarajevo.
- Projektne aktivnosti moraju biti realizovane isključivo na teritoriji Općine Stari Grad Sarajevo.

- Projektni aktivnosti se moraju odnositi na konkretna i mjerljiva unaprjeđenja uslova za dugoročni razvoj prioritarnih oblasti navedenih u predmetu konkursa sa potencijalom da doprinesu dobrobiti za čitavu lokalnu zajednicu.
- Projekat treba da doprinese trajnim promjenama i napretku u lokalnoj zajednici i da sadrži jasan i koncizan plan održivosti.
- Projekat treba da je inovativan.
- Pri izradi projekta mora postojati relevantnost problema kojim se projekat bavi u odnosu na potrebe lokalne zajednice.

Kroz konkurs neće biti podržavane:

- Aktivnosti koje su usmjerene na promociju političkih stranaka i vjerskih stavova;
- Aktivnosti kojima se zagovara govor mržnje, širi netolerancija, rasizam ili vrši diskriminacija bilo koga po bilo kojoj osnovi;
- Projektni aktivnosti u vezi sa vjerskim i religijskim pitanjima;
- Pojedinačne molbe kao što su objava knjiga i sl. materijala, okrugli stolovi, izleti, vlastiti koncerti i predstave;
- Kupovina opreme koja ne služi provođenju projektnih aktivnosti.

Rok i način prijave

Za učešće na konkursu potrebno je poslati:

- Popunjen projektni obrazac, kojeg možete preuzeti na web stranici Općine Stari Grad www.starigrad.ba ili direktno u Sektoru za lokalni razvoj Općine Stari Grad Sarajevo;
- Kopiju lične karte;
- CIPS prijavnicu;
- Diplom o završenoj srednjoj stručnoj spremi ili fakultetu;
- Potvrdu sa evidencije o nezaposlenosti;
- Izvod iz radne knjižice.

Kompletnu dokumentaciju treba dostaviti u zatvorenoj koverti lično ili poštom na adresu:

Općina Stari Grad Sarajevo
Šalter sala/protokol
Ul. Zelenih beretki br. 4
71000 Sarajevo
sa naznakom: „Zajedno za Općinu“.

Informativni sastanak u vezi s Javnim pozivom će biti održan 28. decembra, 2016. godine u 11.00 h u Sali za vjenčanje Općine Stari Grad, objekat B.

Rok za predaju projektni dokumentacije je 13. januar, 2017. godine do 14 sati. Prijave poslane nakon navedenog roka neće biti razmatrane, osim u slučaju da poštanski žig ukazuje na datum slanja prije zvaničnog roka.

Rezultati konkursa će biti objavljeni 20. januara, 2017. godine na web stranici Općine Stari Grad.

Sve dodatne informacije se mogu dobiti putem telefona 033 282 375 ili e- mail adrese: irma.mandzuka@starigrad.ba i admira.muhic@starigrad.ba